

ՏԱՎՈՒՇԻ ՄԻՋՆԱԴԱՐՅԱՆ ՋՆԱՐԱԿԱՆ ՇԻՆԱՐԱՐԱԿԱՆ ԽԵՑԵՂԵՆԸ

Հ. Ս. ԵՍԱՅԱՆ

Հայաստանի միջնադարյան ճարտարապետությունը աչքի է ընկնում սքանչելի քարակերտ հուշարձաններով՝ քաղաքներով ու ամրոցներով, պալատներով ու եկեղեցիներով, կամուրջներով ու քարավանատներով և հոյակապ վանքային համալիրներով:

Մրանց հետ մեկտեղ կան նաև հուշարձաններ, որոնց կառուցման ընթացքում լայնորեն օգտագործվել է շինարարական խեցեղենը, հիմնականում տարբեր ձևերի և չափերի հում ու թրծված աղյուսներ: Նման հուշարձաններից է միջնադարյան Հայաստանի մայրաքաղաք Դվինը, ուր իչպես նշում է Կ.Ղաֆադարյանը, «Կավակերտ էին ոչ միայն հասարակ շենքերը, այլև պալատներն ու բերդերը: Բնակելի տների պատերը շերտ առ շերտ կավով քարծրացվել են ճիշտ այնպես, ինչպես այսօր ցեմենտ-բետոնն է արվում»:

Շինարարական խեցեղենի օգտագործմամբ որոշ չափով աչքի է ընկնում նաև Տավուշի մարզը, ուր քարե հոյակապ ճարտարապետության հետ մեկտեղ հանդիպում են աղյուսից կառուցված եկեղեցիներ, մի շարք քաղաքացիական շինություններ: Հոգևոր կառույցներից աչքի են ընկնում հանրահայտ Կիրանց վանքը և Այգեհովիտ գյուղի մոտ գտնվող Սրվեզի վանքի գլխավոր՝ ս.Նշան եկեղեցին: Այստեղ, բացի սովորական հում և թրծված աղյուսներից, իբրև շինանյութ օգտագործվել են նաև ջնարակով ծածկված շքաղյուսները և շքասալերը, որոնք զարդարում էին կառույցների արտաքին և ներքին պատերի ճակատային հատվածները: Մի շարք հետազոտողներ դա բացատրում են որպես Հայաստանում մահմեդական կառավարիչների ճաշակին տուրք տալու հետևանք: Այդ աղյուսների մի մասը պատրաստվել է տեղում, իսկ առավել շքեղները ներմուծվել են Պարսկաստանից¹: Մակայն, ինչպես նկատել են Հայաստանի ճարտարապետության շատ հետազոտողներ, մահմեդական շքաղյուսների ծագման գործում հսկայական դեր է խաղացել գունազարդ քարերից խճանկարը (մոզաիկան), որը լայնորեն տարածված էր Հայաստանում և որը Պարսկաստանում փոխարինվեց ջնարակած աղյուսով: Այս հարցի ուսումնասիրության գործում մեծ է Հ.Օրբելու դերը, որը ոչ միայն դասակարգեց մահմեդական շքաղյուսները, ուսումնասիրեց նրանց պատրաստման տեխնիկան, տարածման սահմանները, այլև պարզաբանեց ծագման ակունքները: Հ.Օրբելու կարծիքով, պարսկական շքաղյուսների երևան գալուն մեծապես նպաստել է Անիի շինությունների պատերը զարդարող բազմագույն քարերի խճանկարը²:

Ա.Յակոբսոնը մույնպես մահմեդական շքաղյուսների հանդես գալը կապում է հարթ և փորագրված բազմագույն քարերի մոզաիկայի հետ, որը

¹ Կ. Գ. Ղաֆադարյան, Դվին քաղաքը և նրա պեղումները, պր.1, Ե., 1952, էջ 229:

² Բ.Ն.Առաքելյան, Գ.Հ.Կարախանյան, Գառնի 3, Ե., 1962, էջ 101, Ա.Ս.Ժամկոչյան, Միջնադարյան Հայաստանի հախճապակին 9-14-րդ դդ. (Հայաստանի հնագիտական հուշարձաններ, պր.10, Ե., 1981, էջ 129):

³ И.А.Орбели, Мусульманские изразцы, Петербург, 1923, с.18, 19.

ծնունդ է առնում Հայաստանի XII-XIII դդ. քաղաքացիական և եկեղեցական կառույցներում⁴: Ն.Տոկարսկին հատկապես գտնել է նկարագրում Անիի բազմազույն և բազմաձև դեկորը, որը զարդարում է պալատի, Սարգսի տան, հյուրանոցների, Առաքյալների եկեղեցու և այլ շինությունների ճակատները: Նրա կարծիքով, այս բազմազույն ոճը հսկայական ազդեցություն է ունեցել հարևան երկրների արվեստի վրա⁵:

Քննարկվող թեմայի համար առանձնապես հետաքրքիր են մեր պեղած՝ Տավուշ և Այգեծոր գյուղի մոտ գտնվող Աղջկա-բերդ ամրոցներից գտնված մեծ թվով շքադուսներն ու շքասալերը, որոնք, ցավոք, հայտնաբերվել են խիստ բեկորային ձևով, որը դժվարացնում է դրանց չափերի ստույգ վերականգնումը: Շքասալերը և շքադուսները բաժանվում են տարբեր տիպերի:

Շքասալերի առաջին տիպին են վերաբերում խոշոր, ուղղանկյուն սալիկները, որոնց հաստությունը 1,6–1,8 սմ է: Պահպանված կողմերն ունեն 15–16 սմ երկարություն: Մյուսն չափերը որոշելու համար անհրաժեշտ է համեմատել Հայաստանի այլ վայրերից հայտնաբերված սալերի չափերի հետ: Այսպես՝ Եղվարդի եկեղեցու սալերն ունեն 29×29,5 սմ կամ 29×30 սմ չափեր, հաստությունը՝ 1,5–2 սմ⁶: Հայաստանի այլ վայրերից գտնված սալիկները նույնպես բեկորային են, և դրանց չափերը հայտնի չեն: Մեր սալիկների չափերը ճշտելու նպատակով հարմար չէ հիմք ընդունել սովորական աղյուսների չափերը, որոնք խիստ տատանվում են՝ 22×22 սմ-ից մինչև 40×40 սմ-ի միջև⁷: Ուստի, գերադասում ենք Տավուշի ամրոցներից գտնված աղյուսների համար հիմք ընդունել Կիրանց վանքից գտնվածների չափերը, հատկապես այն պատճառով, որ այդ աղյուսները և շքադուսներն ունեն նույն՝ 25×25 սմ չափերը:

Այսպիսով, կարելի է ասել, որ Տավուշից և Այգեծորից գտնված շքասալերն ունեցել են քառակուսի ձև՝ 25×25 սմ մակերեսով և 1,8սմ հաստությամբ: Այս տիպի բոլոր շքասալերը ծածկված են կապույտ կամ փիրուզագույն ջնարակով, մնացածն են Եղվարդից, Կիրանցից, Գառնիից⁸ և Տիկնունիից⁹ գտնված մոտիմերին: Այս տիպի երկրորդ տարբերակին են վերաբերում Այգեծորի ամրոցից գտնված ավելի փոքր չափերի սալիկները, որոնք ունեն 9×9 սմ մակերես, 1,6 սմ հաստություն: Այս սալիկները ծածկված են փիրուզագույն ջնարակով:

Երկրորդ տիպին է պատկանում Այգեծորի ամրոցից գտնված սև ջնարակով պատված մի սալիկի բեկորը, հաստությունը՝ 1,8 սմ: Սալիկը հիմքում ուղղանկյուն է, իսկ վերին մասում, աստիճանաբար նեղանալով, կազմում է սուր անկյուն: Նման սալիկները խաչաձև շքասալերի մասեր են, որոնք հիմքում կազմում են խաչ: Դրանք հայտնի են Գառնիից¹⁰ և Տիկնունիից¹¹:

Ջնարակած շքադուսները գտնվել են Տավուշ և Աղջկա-բերդ ամրոցներ-

⁴ А.Л. Якобсон, Очерк истории зодчества Армении V-XVIII вв. М.-Л., 1950, с. 99.

⁵ Н.М. Токарский, Архитектура древней Армении, Е., 1946, с. 235.

⁶ Ա. Ժամկոչյան, Ա. Զալանթյան, Եղվարդի Ս.Աստվածածին եկեղեցու սալերը (Պատմա-քանասիրական հանդես, 1971, №4, էջ 277):

⁷ Հ. Եսայան, Իջևան-Տավուշի միջնադարյան շինարարական խեցեղենը (Հանդես Երևանի համալսարանի, 1996, №2, էջ 58–59):

⁸ Հ. Լ. Պետրոսյան, Գառնիի 9–14-րդ դդ., Ե., 1988, էջ 49:

⁹ Ա. Մ. Ժամկոչյան, ճարտարապետական հարդարանքի մոտիվներ Տիկնունի ամրոցից (ՀԽՍՀ ԳԱ Լրագրեր հասարակական գիտությունների, 1990, №12, էջ 71):

¹⁰ Հ. Լ. Պետրոսյան, նշվ. աշխ., աղ. 46, նկ. 1–5, աղ. 47, նկ. 7:

¹¹ Ա.Ա. Ժամկոչյան, Ճարտարապետական հարդարանք..., տախտակ 1, նկ. 2:

րից: Մրանք ևս բաժանվում են երկու տիպի: Առաջին տիպի աղյուսները գտնվել են Այգեձորում: Մրանք ուղղանկյուն աղյուսներ են, որոնցից ամենախոշոր բեկորն ունի 6 սմ լայնություն, 10 սմ հաստություն, պահպանված երկարությունը 9 սմ է: Այս տիպի աղյուսների չափերը որոշելու համար հիմք ենք ընդունել Դ-վինի և Օրեն-կալայի ամենավաղ աղյուսների երկարությունը, որը 20 սմ է: Երկրորդ տիպի շքաղյուսները հայտնի են Տավուշ և Այգեձորի Աղջկա-բերդ ամրոցներից: Դրանց ջնարակած արտաքին մակերեսի երկարությունը նույն է՝ 6,2 սմ: Ի տարբերություն առաջին տիպի աղյուսների, դրանք ուղղանկյուն չեն. եթե վերին մակերեսի երկարությունը հասնում է 20սմ, ապա ստորին մասինը, աստիճանաբար նեղանալով, դառնում է 16–17սմ: Հաստությունը տատանվում է՝ 7–12 սմ:

Այս խմբի բոլոր աղյուսները ծածկված են փիրուզագույն ջնարակով, բացառությամբ մեկի, որի մակերեսը սև է: Տավուշի ս.Աստվածածին եկեղեցու պեղումներից հայտնաբերվել են շքաղյուսների մանր բեկորներ՝ ծածկված սպիտակ և վարդագույն ջնարակով:

Այս շքաղյուսները բոլոր պեղավայրերում գտնվել են ինչպես կացարանների հատակներից, այնպես էլ դրանցից 0,4–0,6 սմ բարձրության վրա: Սա վկայում է այն մասին, որ շքաղյուսները զարդարել են պատերի վերին հատվածները և պատուհանները (Եղվարդում, Կիրանցում և այլուր): Անիի Արուսիհամբարանա մզկիթում կանաչ ջնարակով պատված շքաղյուսները զարդարել են շինության պատերը¹²: Հետաքրքիր է, որ Անիի ծալկման շրջանում կարմրավուն քարերով կառուցված պարիսպները հարդարվել են սև քարերից շարված խաչերով և կապտավուն ջնարակով ծածկված կիսագլանաձև շքաղյուսներով¹³: Բացի պատերից, այս շքաղյուսներով զարդարել են, ըստ երևույթին, նաև հատակները: Այդ մասին նշել է Կ.Ղաֆադարյանը՝ Դ-վինի առնչությամբ: «Միջնաբերդում, գրել է նա, որոշ տեղերում հատակը ծածկված է եղել կանաչ ջնարակով պատած շքաղյուսներով, որի մնացորդները երևում են տեղերում»¹⁴:

Շինարարական խեցեղենին են վերաբերում նաև լայնորեն օգտագործված ջրատար և ծխնելույզի խողովակները, որոնք մեր տարածաշրջանում հանդիպում են Իջևանի Աղջկա-բերդ և Մանթաշ, Տավուշ ամրոցներում, Առաքելոց վանքի բաղնիքում և այլուր: Դրանք ունեն 40–41 սմ երկարություն: Վերին լայն անցքի տրամագիծը 12–14 սմ է, ստորինը՝ 10–12 սմ, արգելակող ելուստի բարձրությունը՝ 0,5 սմ: Այս խողովակներն ունեն կարմրավուն կամ դեղնավուն մակերես: Նման խողովակներ հայտնի են Դ-վինից¹⁵, Անիից¹⁶, Ամբերդից¹⁷, Գառնիից¹⁸, Օրեն Կալայից¹⁹ և այլ վայրերից, որոնց երկարությունը տատանվում է 28–52 սմ:

Հետաքրքիր նյութեր են հայտնաբերվել Տավուշ ամրոցի ստորին բերդի երկրորդ տեղամասի պեղումներից: Այստեղ փլված պատի տակ բացվեցին

¹² Н. Я. Марр, Ани, книжная история города и раскопки на месте городища. Л.-М., 1934, с. 92.

¹³ Նույն տեղում, էջ 78:

¹⁴ Կ. Գ. Ղաֆադարյան, նշվ., աշխ., էջ 229:

¹⁵ Նույն տեղում, էջ 218:

¹⁶ Н. Я. Марр, նշվ. աշխ., էջ 76.

¹⁷ Մ. Վ. Հաբությունյան, Ամբերդ, Ե., 1978, գծ. 17:

¹⁸ Հ. Լ. Պետրոսյան, նշվ. աշխ., էջ 49:

¹⁹ Н. Л. Яковсон, Раскопки на городище Орен-кале, Материалы и исследования по археологии СССР, вып. 67, М.-Л., 1959, с. 57, 99, 115, 116.

երեք թոնիրներ: Դրանցից երկուսը ոչ խորը փոսեր էին, որոնց եզրերը սվաղված էին քարերի և կավե շաղախով: Երրորդ թոնիրն ուներ ավելի բարդ կառուցվածք: Նրա պատերը կառուցված էին 5 սմ լայնություն և 0,8 սմ բարձրություն ունեցող կավե ժապավեններով: Եզրերի և փոսի միջև ընկած տարածությունը լցված էր մանր քարերով և ցեխով: Թոնրի հարավային մասում բացվեց տափակ քարերից շարված ակ, որին միանում էին երկու (մեկը՝ ամբողջական) կավե խողովակներ՝ օդ մղելու համար: Այս խողովակները ծածկված էին կապտականաչավուն ջնարակով: Խողովակների միացման տեղը պատված էր լայն, կապույտ ջնարակով ծածկված կալիպտերով: Ջնարակով ծածկված այս խողովակների և կալիպտերի գյուտը եզակի երևույթ է միջնադարյան Հայաստանի շինարարական խեցեղենի շարքում և, որքան մեզ հայտնի է, առաջին անգամ է հանդիպում Հայաստանում և Անդրկովկասում:

Կղմինդրներ: Իջևան-Տավուշի մի քանի հուշարձանների պեղումների ընթացքում հայտնաբերվել են կարմիր և գորշ գույնի լավ թրծված կղմինդրների բազմաթիվ բեկորներ: Դրանք հայտնի են Թանիկ և Այգեհովիտ ամրոցներից, Առաքելոց վանքի բաղնիքից²⁰, ինչպես նաև Տավուշ և Այգեհովիտ Աղջկա-բերդ ամրոցներից: Դրանց խիստ բեկորային վիճակը թույլ չի տալիս որոշելու կղմինդրների չափերը: Իրենց ձևերով սրանք բաժանվում են երկու խմբի՝ տափակ սալիկաձև, որոնց եզրերն ունեն ոչ բարձր ելուստներ (սոլեններ) և կալիպտերներ՝ կիսագլանաձև և կղմինդրներ:

Տափակ սալիկների եզրերն ունեն 2-3,5սմ բարձրություն, որը համընկնում է Դվինից գտնված տափակ կղմինդրների չափերին, ինչը հնարավորություն է տալիս ենթադրելու, որ Իջևան-Տավուշի կղմինդրները մնան են Դվինից գտնվածներին, որոնք ունեն 25սմ երկարություն, վերին մասի լայնությունը 19,5սմ է, ստորինը՝ 15,5սմ, երկարությունը՝ 34,5սմ, վերին կողմի լայնությունը՝ 25սմ, ստորինը՝ 20,5սմ:

Դվինում սոլենների հետ միասին գտնվել են նաև կալիպտերներ, որոնք հազգվում էին խողովակի կողքերին շարված սոլենների՝ ելուստների վրա, վերևից ներքև, ուստի և անձրևաջրերը ոչ մի տեղից չէին կարող թափվել ծակից ներս: Դվինում գտնված կալիպտերների երկարությունը 35 սմ է, բարձրությունը՝ 15 սմ, արամագիծը 12 սմ²¹:

Տավուշ ամրոցի ստորին բերդի երրորդ տեղամասի պեղումներից, բացի սովորական կղմինդրներից, գտնվեցին մեկ սոլենի և կալիպտերի բավական խոշոր բեկորներ: Այս գյուտն ունի եզակի նշանակություն Հայաստանի նյութական մշակույթի ուսումնասիրության համար: Երկու բեկորներն էլ, ինչպես շրջադրուսները, պատված են բաց կապտավուն ջնարակով: Որքան մեզ հայտնի է, սա առաջին գյուտն է Հայաստանում: Նման ջնարակված կղմինդրներ հայտնի են Վրաստանում, ուր դրանք գտնվել են զարգացած միջնադարի շրջանի Նոդիխիս ամրոցի եկեղեցու ծածկի փլատակների մեջ²² և XII-XIV դարերով թվագրվող Արախլո գյուղի շրջակայքում պեղված ամրոցում²³:

²⁰ Г. С. Есаян, Материальная культура бассейна реки Агстев в развитом средневековье, Е., 1992, с. 17, 24, 123.

²¹ Գ. Գ. Ղաֆադարյան, նշվ. աշխ., էջ 233, նկ. 218:

²² Д. Г. Джагама, Развалины средневековой крепости "Нлджиху" около села Пахалани (Вопросы археологии Грузии, вып. 1, Тбилиси, 1978, с. 112).

²³ М. И. Синауридзе, Отчет Арахло-Казаретской археологической экспедиции 1974-75 гг. (Археологические экспедиции Госмузея Грузии, вып. 5, Тбилиси, 1977, с. 140).

Տավուշ և Այգեձորի Աղջկա-բերդ ամրոցներից գտնված հսկայական հնագիտական նյութը, որը միատեսակ և միաժամանակյա է, ներկայացված է հասարակ և ջնարակ խեցեղենի տարբեր ձևերով, ապակյա, երկաթե բազմատեսակ առարկաներով և հիմնականում թվագրվում է XII–XIII դարերով²⁴։ Մական Այգեձորի ամրոցից նույն շերտում գտնված՝ Հուլավույան Արուհ-Մայադինի պատկերով 1317–1335թթ. Թավրիզում թողարկված արծաթե դրամը վկայում է, որ մի կողմից, այդ ամրոցը հարատևել է առնվազն մինչև XIVդ. առաջին կեսը, իսկ մյուս կողմից, հաստատում է, որ XII–XIIIդդ. մշակույթն անփոփոխ շարունակվել է XIV դարում։

Թվագրության համար կարևոր նշանակություն ունի շրջադասների տիպաբանական վերլուծությունը։ Բոլոր շրասալերի և շրադասների ժամանակը և տարածումը ճշգրտելու համար հետաքրքիր են նրանց գունային երանգները։ Ինչպես երևում է վերը նկարագրածից, դրանք ծածկված են հիմնականում կապտավուն և փիրուզագույն ջնարակով։ Եզակի դեպքերում հանդիպում են սև, սպիտակ և վարդագույն ջնարակով պատված շրադասներ։

Հայաստանի հուշարձաններից (Եղվարդ, Գառնի, Տիկնունի) հայտնաբերված շրադասները զարդարված են կենդանական ու բուսական մախչերով, որոնք կատարված են նույն գույներով և թվագրվում են XII–XIII դարերով։ Ի տարբերություն վերը նշված հուշարձանների, Տավուշից գտնված շրադասները հիմնականում միագույն են, գերակշռում են կապտավունն ու փիրուզագույնը։ Այս տեսակետից Տավուշի գտածոներն ավելի մոտ են Կիրանց վանքի շրադասներին, որոնք թվագրված են XIII–XIV դարերով և ունեն բաց կապտավուն մակերես։ Դրանք համեմատելի են ոչ միայն գունային մույնությամբ, այլ նաև պատրաստման ձևերով ու եղանակով։

Եթե բազմագույն շրադասների պատրաստման ժամանակ լայնորեն օգտագործվում էին թաց կավի դաջագարդումը, կավի և ջնարակի միաժամանակյա թրծումը, ենթաջնարակային մախչազարդումը և հախճապակու թրծման տեխնիկան, ապա Կիրանցի և Տավուշի շրադասներն ու շրասալերը պատրաստվում էին բոլորովին այլ եղանակով։ Դրանք լավ թրծված կարմիր աղյուսներ են, որոնց մեկ կողմը թրծումից հետո ծածկվում էր ջնարակով։ Այս տարրական առանձնահատկությունը ցույց է տալիս, որ Իջևան–Տավուշում եղել են արտադրական կենտրոններ։

Այսպիսով, ինչպես ցույց է տալիս շրադասների և մոնղոլական դրամի հայտնաբերումը, Տավուշ և Այգեձորի Աղջկա-բերդ ամրոցները, չնայած մոնղոլական ասպատակություններին (որը փաստագրվում է ավերածությունների ու հրդեհների բազմաթիվ հետքերով) վերջնականապես չեն կործանվել, այլ հարատևել են XIII–XIVդդ. առաջին կեսը։

ГЛАЗУРИРОВАННАЯ СТРОИТЕЛЬНАЯ КЕРАМИКА СРЕДНЕВЕКОВОГО ТАВУША

Г.С.Есаян

Р е з ю м е

В результате раскопок крепостей Тавуш и Ахчка-берд близ села Айгедзор обнаружен огромный археологический материал в виде глазурированной керамики, стеклянных и костяных изделий,

²⁴ Հ. Ս. Եսայան, Տավուշ և Այգեձոր ամրոցների պեղումները և շրադասների հարցը (Բանբեր Երևանի համալսարանի, 1993, №1, էջ 166)։

предметов вооружения и т.д., датируемых XII–XIII вв. В верхних слоях этих памятников обнаружено большое количество изразцов в виде прямоугольных и крестовидных плиток и крупных кирпичей, лицевая поверхность которых была в основном покрыта голубой и бирюзовой и реже, черной, белой и розовой поливой.

В этих же слоях были обнаружены покрытые голубой поливой гончарные трубы и черепица в виде фрагментов сопенов и калиптеров, что впервые наблюдается в Армении.

Эти материалы, а также находка монгольской монеты XIVв. свидетельствуют, что указанные крепости не были окончательно уничтожены монголами и после реконструкции продолжали бытовать до середины XIVв.